



Broj: 05/7-39-1-178-65/20

Sarajevo, 13. 11. 2020.

## Z A P I S N I K

### **65. sjednice Vijeća nacionalnih manjina BiH, održane 12. 11. 2020.**

Sjednica Vijeća nacionalnih manjina BiH počela je u 14 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Jovanka Manžalović-Šalaka, Velibor Kuvač, Dragan Marković, Todorka Jovanović, Silvija Vujović, Nedžad Jusić, Marija Grbić, Hakan Varan, Eva Pašić-Juhas, Mladen Radmilović, Halil Bicaj, Dejan Piotrovski, Tijana Vučurević i Jakob Finci.

Sjednici, iz opravdanih razloga, nisu prisustvovali: Davor Ebner i Vjeročka Gajić.

*Prije rasprave o tačkama dnevnog reda, članovi Vijeća su minutom šutnje odali počast preminulom Želimiru Laliću, iz Ministarstva za ljudska prava i izbjeglice BiH, koji je pratio rad Vijeća nacionalnih manjina BiH i nesebično pomagao njihov rad.*

Za sjednicu je predložen sljedeći

### **Dnevni red**

1. Usvajanje Zapisnika 64. sjednice Vijeća nacionalnih manjina BiH;
2. Razmatranje Strategije za unapređivanje i zaštitu prava pripadnika nacionalnih manjina u Republici Srpskoj, za period 2020-2024. godina;
3. Tekuća pitanja:

- a) Dopis Jaska Borovčevića, akt broj: 05/7-37-1-2179/20<sup>1</sup> od 6. 11. 2020.
- b) Razmatranje narednih aktivnosti Vijeća nacionalnih manjina BiH i priprema za izradu Plana rada za 2021. godinu

**Dnevni red jednoglasno je usvojen.**

#### **Ad. 1. Usvajanje Zapisnika 64. sjednice Vijeća nacionalnih manjina BiH**

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da rasprave nije bilo, pristupilo se glasanju, te je Zapisnik usvojen s 15 glasova „za“ i jednim glasom „suzdržan“.

#### **Ad. 2. Razmatranje Strategije za unapređivanje i zaštitu prava pripadnika nacionalnih manjina u Republici Srpskoj, za period 2020-2024. godina**

Nakon što je predsjedavajući ukratko prezentirao sadržaj Strategije za unapređivanje i zaštitu prava pripadnika nacionalnih manjina u Republici Srpskoj, za period 2020-2024. godina, u raspravi koja je uslijedila učestvovali su: Dragan Marković, Nedžad Jusić i Velibor Kuvač. Posebno je istaknuto kako, iako je Strategija - kao dokument- sadržajna, nije preciziran način osiguravanja finansijskih sredstava za njeno provođenje niti je sačinjen akcioni plan koji bi precizirao način realizacije ciljeva i aktivnosti iz Strategije. Ponovljeno je kako su, u skladu sa zaključcima s prošle sjednice, upućeni dopisi Zajedničkoj komisiji za ljudska prava i Ministarstvu za ljudska prava i izbjeglice BiH s inicijativom za donošenje strategije za manjine na nivou Bosne i Hercegovine i zatraženo očitovanje Saveza i Savjeta nacionalnih manjina RS-a u vezi s tim, te se odgovori još uvijek čekaju. U skladu s navedenim, jednoglasno je zaključeno da će se na pitanju donošenja strategije na nivou Bosne i Hercegovine nastaviti insistirati i kontinuirano preduzimati aktivnosti.

#### **Ad. 3. Tekuća pitanja:**

- a) **Dopis Jaska Borovčevića, akt broj: 05/7-37-1-2179/20<sup>2</sup> od 6. 11. 2020.**
- b) **Razmatranje narednih aktivnosti Vijeća nacionalnih manjina BiH i priprema za izradu Plana rada za 2021. godinu**

---

<sup>1</sup> Greška u broju djelovodnika. Dopis je naknadno prenumeriran: 05/7-39-2-2179/20

<sup>2</sup> Greška u broju djelovodnika. Dopis je naknadno prenumeriran: 05/7-39-2-2179/20

**a) Dopis Jaska Borovčevića, akt broj: 05/7-37-1-2179/20<sup>3</sup> od 6. 11. 2020.**

Povodom dopisa, u kojem se ukazuje na određene aktivnosti pojedinaca u izbornom procesu, a u vezi s mogućnosti da se na taj način utiče na rezultate predstojećih lokanih izbora – u smislu davanja prednosti samo jednom kandidatu s liste kandidata iz reda nacionalnih manjina, članovi Vijeća zaključili su da u nadležnosti Vijeća nije razmatranje pojedinih žalbi.

**Međutim, članovi Vijeća uputili su poziv svim pripadnicima nacionalnih manjina da izađu na izbore u nedjelju, 15. 11. 2020, te glasaju za predstavnike za koje oni smatraju da mogu na najbolji način štiti njihove interese.**

**b) Razmatranje narednih aktivnosti Vijeća nacionalnih manjina BiH i priprema za izradu Plana rada za 2021. godinu**

Nakon što je Andrija Svatok otvorio raspravu o ovoj tački dnevnog reda, u njoj su učestvovali: Dragan Marković, u svojstvu predlagača ove tačke, Nedžad Jusić i Jakob Finci.

Prijedlog, koji je jednoglasno prihvaćen je da se u Prijedlog plan rada za 2021. godinu unesu sve aktivnosti koje Vijeće tokom 2020. godine, s obzirom na pandemiju COVID-19, nije uspjelo realizirati, te da svi članovi Vijeća do 1. 12. 2020. dostave svoje inicijative i prijedloge, radi njihovog uvrštavanja u Prijedlog plana rada. Izrađeni Prijedlog plana rada za 2021. godinu bit će razmatran na narednoj sjednici Vijeća, uz mogućnost intervencije na njegov sadržaj i na samoj sjednici.

U konačnici, a na prijedlog Dragana Markovića, s 14 glasova „za“ i dva glasa „suzdržan“, prihvaćen je prijedlog da se uputi dopis Ministarstvu za ljudska prava i izbjeglice BiH s upitom o aktivnostima koje se provode na raspisivanju javnog poziva za dodjelu sredstava granta za udruženja nacionalnih manjina u Bosni i Hercegovini za 2020. godinu.

Sjednica je završena u 14.45 sati.

**Sekretar Zajedničke komisije  
za ljudska prava  
Aida Kreho**

**Predsjedavajući  
Vijeća nacionalnih manjina BiH  
Andrija Svatok**

---

<sup>3</sup> Greška u broju djelovodnika. Dopis je naknadno prenumeriran: 05/7-39-2-2179/20